



অবিলম্বে প্রকাশের উদ্দেশ্যে: 8/30/2022

গভর্নর ক্যাথি হোকল

চাইল্ড কেয়ার প্রদানকারী ও পরিবারগুলোর জন্য তহবিল বরাদ্দ করার বিষয়ে আলোকপাত করতে গভর্নর হোকলের স্টেটব্যাপী প্রচারাভিযান চালুর ঘোষণা

*চাইল্ড কেয়ার ভর্তুকির জন্য আয়ের উপযুক্ততার সীমা বৃদ্ধি সম্পর্কে সচেতনতা বৃদ্ধি করতে স্টেটব্যাপী মাল্টি-মিডিয়া প্রচারাভিযান*

*ফেডারেল অর্থায়নে পরিচালিত চাইল্ড কেয়ার প্রোভাইডার স্ট্যাবিলাইজেশন গ্র্যান্টের দ্বিতীয় রাউন্ডের জন্য উপযুক্ততা সম্প্রসারণের ঘোষণা*

**প্রায় 400,000 শিশু এখন সহায়তার জন্য উপযুক্ত**

গভর্নর ক্যাথি হোকল আজ সিনেটর ক্রিস্টেন গিলিব্র্যান্ড এর সঙ্গে মিলে উপযুক্ত পরিবারগুলোর চাইল্ড কেয়ার সহায়তার অ্যাক্সেস পাওয়া নিশ্চিত করতে স্টেটব্যাপী একটি মাল্টি-মিডিয়া ক্যাম্পেইন চালুর ঘোষণা দিয়েছেন। স্টেটের শিশু ও পরিবার বিষয়ক পরিষেবার দপ্তর (Office of Children and Family Services) কর্তৃক পরিচালিত, চাইল্ড কেয়ার সহায়তার জন্য উপযুক্ততা এই মাসে সম্প্রসারণ করে ফেডারেল দারিদ্র্য সীমার 300 শতাংশ আয়ের পরিবারগুলোকে অন্তর্ভুক্ত করা হয়েছে, যেটি এই উপযুক্ততা 200 শতাংশ থেকে বৃদ্ধি করে নিউ ইয়র্কজুড়ে আনুমানিক 394,000 শিশুর জন্য উপযুক্ততা সম্প্রসারণ করেছে। এই মাস থেকে চার সদস্যের একটি পরিবারের আয় সর্বোচ্চ 83,250 ডলার হলে সেই পরিবার এখন চাইল্ড কেয়ার সহায়তার জন্য উপযুক্ত হবে, যা এর আগে 55,500 ডলার বা তার কম ছিল। এছাড়াও গভর্নর হোকল ফেডারেল অর্থায়নে পরিচালিত চাইল্ড কেয়ার প্রোভাইডার স্ট্যাবিলাইজেশন গ্র্যান্টের দ্বিতীয় রাউন্ডের জন্য উপযুক্ততা সম্প্রসারণের ঘোষণা দিয়েছেন। আজ থেকে সকল স্কুলগামী বয়সের চাইল্ড কেয়ার কর্মসূচি এবং 1 জানুয়ারি, 2022 তারিখের মধ্যে লাইসেন্সপ্রাপ্ত 900 এরও বেশি সেবা প্রদানকারী এসব অনুদানের জন্য আবেদন করতে পারবে।

"প্রথমবারের মতো নিউ ইয়র্কের গভর্নর হিসেবে দায়িত্ব পালনকারী একজন মা হিসেবে, আপনার ভবিষ্যতের জন্য এবং আপনার পরিবারের জন্য সাশ্রয়ী চাইল্ড কেয়ার কতটা গুরুত্বপূর্ণ সে সম্পর্কে আমি প্রত্যক্ষভাবে অবগত আছি," বলেছেন গভর্নর হোকল। "চাইল্ড কেয়ার সহায়তার জন্য আয়ের সীমা বৃদ্ধি করার মাধ্যমে, আমরা হাজার হাজার নিউ ইয়র্কবাসী, বিশেষ করে কর্মজীবী মায়েদের উপর থেকে একটি ভারী বোঝা লাঘব করতে পারছি। আমার প্রশাসন চাইল্ড কেয়ার খাতে ঐতিহাসিক বিনিয়োগ সম্পন্ন করেছে, এবং এই স্টেটব্যাপী মাল্টি-

মিডিয়া ক্যাম্পেইন হলো পরিবারগুলো যাতে তাদের প্রয়োজনীয় ও প্রাপ্য সহায়তা পেতে পারে সে বিষয়টি নিশ্চিত করতে সাহায্য করার জন্য আমাদের গৃহীত সর্বশেষ গুরুত্বপূর্ণ পদক্ষেপ।"

"আমাদের স্টেটে সাশ্রয়ী চাইল্ড কেয়ারের স্বল্পতা একটি সংকটের চেয়ে কোনো অংশে কম নয়," বলেছেন সিনেটর গিলিব্র্যান্ড। "আমাদের পরিবারগুলো এবং চাইল্ড কেয়ার কর্মীদের সহায়তা করার জন্য আমাদের আরো বেশি কাজ করতে হবে। একারণেই আমেরিকান রেসকিউ প্ল্যান (American Rescue Plan) এবং কেয়ার্স আইন (CARES Act) পাশ করার জন্য লড়াই করতে পেরে আমি গর্বিত, যে আইন এখন নিউ ইয়র্কের চাইল্ড কেয়ার প্রদানকারীদের জন্য কয়েক মিলিয়ন ডলারের ফেডারেল তহবিল প্রদান করছে এবং যাদের এটির প্রয়োজন রয়েছে তাদের জন্য চাইল্ড কেয়ারকে আরো বেশি অ্যাক্সেসযোগ্য ও সাশ্রয়ী করে তুলছে। এই সম্প্রসারিত তহবিল আমাদের স্টেটজুড়ে বাবা-মায়াদের এটা জেনে কর্মস্থলে ফিরতে সাহায্য করবে যে তাদের সন্তানদের ভালোভাবে দেখাশোনা করা হচ্ছে এবং একইসাথে এটি চাইল্ড কেয়ার কর্মীদেরকে তাদের সফলতা অর্জনের জন্য প্রয়োজনীয় সংস্থানসমূহ প্রদান করবে। নিউ ইয়র্কের সব পরিবার যাতে তাদের সমৃদ্ধি অর্জনের জন্য প্রয়োজনীয় সহায়তা পায় সে বিষয়টি নিশ্চিত করতে আমি গভর্নর হোকলের সঙ্গে কাজ করা অব্যাহত রাখবো।"

চাইল্ড কেয়ার সহায়তা ক্যাম্পেইন নিউ ইয়র্কবাসীদেরকে এই বেনিফিট অ্যাক্সেস করতে সনির্বন্ধ অনুরোধ করার প্রতি মনোযোগী হচ্ছে যাতে তারা উচ্চ-মানের চাইল্ড কেয়ারের জন্য অর্থ পরিশোধ করার ক্ষেত্রে সহায়তা লাভ করতে পারে, যেটি পরিবারগুলোর জন্য আবাসনের পরে সবচেয়ে বড় খরচের খাত। আজ থেকে শুরু করে, পরিবারগুলো যে চাইল্ড কেয়ারের অর্থ পরিশোধের ক্ষেত্রে সহায়তা লাভ করতে পারেন সে বিষয়টি জানানোর জন্য OCFS একটি বিলবোর্ড, রেডিও, ও সোশ্যাল মিডিয়া ক্যাম্পেইন শুরু করবে। এই ক্যাম্পেইনে খুচরা দোকানগুলোর ডিজিটাল স্ক্রিন, হাইওয়ে, বিলবোর্ড, বাসের পাশে লাগানো পোস্টার, লন্ড্রোমার্ট, স্যালন ও বারবারশপগুলোতে ইংরেজি ও স্প্যানিশ ভাষায় কন্টেন্ট প্রচার করা হবে।

আমেরিকান রেসকিউ প্ল্যান আইনের মাধ্যমে অর্থায়নকৃত এই ক্যাম্পেইন নিউ ইয়র্ক সিটির বাইরের এলাকাগুলোতে আজ থেকে শুরু হবে এবং এরপর অক্টোবর মাসে পাঁচটি বরো অঞ্চলের মধ্যে শুরু হবে। পরিবারগুলো [OCFS.ny.gov/ccap](https://ocfs.ny.gov/ccap) ঠিকানায় ভিজিট করে আরো তথ্য জানতে পারবে।

**শিশু ও পরিবার বিষয়ক পরিষেবা দপ্তরের কমিশনার শেইলা পুলি বলেন,** "সবচেয়ে গুরুত্বপূর্ণ বার্তা হচ্ছে আমরা আগের যেকোনো সময়ের চেয়ে বেশি সংখ্যক পরিবারকে চাইল্ড কেয়ারের পেমেন্ট প্রদান করতে সাহায্য করতে পারবো। কর্মস্থলে ফিরে যাচ্ছেন, ইতোমধ্যে কর্মরত রয়েছেন, প্রশিক্ষণ গ্রহণ করছেন অথবা স্কুলে যাচ্ছেন এমন যেকোনো ব্যক্তির জন্য এই তহবিল লভ্য থাকবে। বাবা-মায়াদের উচিত তারা উপযুক্ত কিনা সেটা দেখার জন্য অনলাইনে যাওয়া অথবা তাদের স্থানীয় সামাজিক পরিষেবা বিভাগে যাওয়া। এবং আমরা রোমাঞ্চিত যে এই তহবিল আমাদের কঠোর পরিশ্রমী চাইল্ড কেয়ার কর্মীদেরকেও সবচেয়ে গুরুত্বপূর্ণ কিছু দায়িত্ব পালনের জন্য সহায়তা প্রদান করবে।"

এছাড়া গভর্নর হোকল আরো ঘোষণা করেছেন যে সব স্কুলগামী বয়সের কর্মসূচি এবং 1 জানুয়ারির পরে লাইসেন্সপ্রাপ্ত 900 এরও বেশি সেবা প্রদানকারী এখন চাইল্ড কেয়ার প্রোভাইডার

স্ট্যাবিলাইজেশন গ্র্যান্টের দ্বিতীয় রাউন্ডের জন্য আবেদন করতে পারবে। 2023 অর্থবছরের বাজেটের অংশ হিসেবে, স্ট্যাবিলাইজেশন গ্র্যান্টের জন্য 343 মিলিয়ন ডলার বরাদ্দ প্রদান করা হয়েছে, যেখানে অনুদানের 75 শতাংশ কর্মীদের সহায়তা করার জন্য নিবেদিত থাকবে। এসব অনুদান বেতন বৃদ্ধি, বোনাস, টিউশনের ব্যয় পরিশোধ এবং কর্মীদের অবসর গ্রহণের পরিকল্পনা ও স্বাস্থ্য বিমার ব্যয় প্রদানের জন্য ব্যবহার করা যাবে।

গভর্নর ইতোপূর্বে [ঘোষণা করেছিলেন](#) যে 1 জানুয়ারির আগে লাইসেন্সপ্রাপ্ত সেবা প্রদানকারীরা এই অনুদানের জন্য আবেদন করতে পারবে। এখন পর্যন্ত, অনুদানের দ্বিতীয় রাউন্ডে স্টেটজুড়ে 7,788 সেবা প্রদানকারীর জন্য 152 মিলিয়ন ডলারের স্ট্যাবিলাইজেশন গ্র্যান্টের বরাদ্দ অনুমোদন করা হয়েছে। এর মধ্যে বোনাস বা বেতন বৃদ্ধির জন্য 108 মিলিয়ন ডলার; কর্মীদের অবসর পরিকল্পনায় নিয়োগকর্তার অবদানের সম্পূরক হিসেবে 8 মিলিয়ন ডলার; কর্মীদের স্বাস্থ্য বিমা খাতে ব্যয়ের জন্য 6.4 মিলিয়ন ডলার; কর্মীদের জন্য মানসিক স্বাস্থ্য সহায়তা ও পরিষেবার জন্য 4.2 মিলিয়ন ডলার; সম্পূরক শিক্ষাগত অগ্রগতি অথবা টিউশনের ব্যয় পরিশোধের জন্য 9.7 মিলিয়ন ডলার; এবং অন্যান্য উপযুক্ত ব্যয়ের জন্য 15.7 মিলিয়ন ডলার অন্তর্ভুক্ত রয়েছে। গত বছর, চাইল্ড কেয়ার প্রদানকারীদের মধ্যে 900 মিলিয়ন ডলারেরও বেশি অনুদান বন্টন করা হয়েছে, যা আর্লি চাইল্ডহুড কেয়ার ও শিক্ষা খাতে একটি ঐতিহাসিক বিনিয়োগের প্রতিনিধিত্ব করে।

উপযুক্ত সেবা প্রদানকারীরা [এখানে](#) আরো তথ্য অ্যাক্সেস করতে পারবেন।

চাইল্ড কেয়ার সহায়তার জন্য উপযুক্ত পরিবারের সংখ্যা বৃদ্ধি করা এবং চাইল্ড কেয়ার প্রদানকারীরা যাতে তাদের অপরিহার্য পরিষেবার জন্য পর্যাপ্ত তহবিল পায় সে বিষয়টি নিশ্চিত করার জন্য গভর্নর হোকলের ঐতিহাসিক 2 বিলিয়ন ডলার বিনিয়োগের ফলে আয়ের সীমা বৃদ্ধি করা সম্ভব হয়েছে। এই বিনিয়োগের মধ্যে সাম্প্রতিক স্টেট বাজেটের অংশ হিসেবে নিউ ইয়র্ক স্টেট চাইল্ড কেয়ার ব্লক গ্র্যান্টের (New York State Child Care Block Grants) জন্য 894 মিলিয়ন ডলারের নতুন তহবিল; সোশ্যাল সার্ভিসের স্থানীয় বিভাগগুলোর জন্য ইতোপূর্বে বরাদ্দ করা 500 মিলিয়ন ডলারেরও বেশি খরচ না হওয়া তহবিল; এবং বিদ্যমান কোভিড-19 মহামারী তহবিলের জন্য 600 মিলিয়ন ডলারেরও বেশি অন্তর্ভুক্ত রয়েছে।

এসব ঘোষণা 2023 অর্থবছরের বাজেটের ঐতিহাসিক বিনিয়োগগুলোর অংশ যেটিতে চার বছরব্যাপী 7 বিলিয়ন ডলারের একটি নজিরবিহীন অনুদান অন্তর্ভুক্ত রয়েছে এবং শিশু ও পরিবারগুলোকে সহায়তা করার জন্য এবং নিউ ইয়র্ক স্টেটের চলমান অর্থনৈতিক পুনরুদ্ধার উদ্দীপিত করতে সাহায্য করার জন্য উচ্চ-মানের চাইল্ড কেয়ারের অ্যাক্সেস সম্প্রসারণ করছে।

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবক্লাইব করুন](#)